



Universitätsbibliothek Paderborn

**Francisci Baconi Baronis de Verulamio, Vice-Comitis S.
Albani, Summi Angliæ Cancellarii, Opera omnia, Quæ
extant: Philosophica, Moralia, Politica, Historica ...**

Bacon, Francis

Francofurti ad Moenvm, 1665

XXVIII. Sphynx, sive Scientia.

urn:nbn:de:bvb:12-bsb10497643-5

missa videntur, cùm Scientiæ in primis quibusque authoribus, *Aristotele*, *Galen*, *Euclide*, *Ptolomeo*, maximè florere cernantur; atque successio nil magni efficerit, aut ferre tentaverit. Atque optandum esset, ut illi Ludi in honorem *Promethei*, sive humanæ Naturæ instaurarentur, atque Res certamen & emulationem & bonam fortunam reciperet, neque ex unius cujuspiam face tremulâ atque agitatâ penderet. Itaque homines monendi sunt, ut se ipsi suscitant, & vires atque etiam vices suas experiantur, neque in paucorum hominum animulis & cerebellis omnia ponant. Hæc sunt illa, quæ in Fabulâ ista vulgari, & decantata nobis adumbrari videntur; neque tamen inficiamus, illi subesse haud pauca, quæ ad Christianæ fidei mysteria miro consensu innuant; ante omnia Navigatio illa Herculis in Urceo ad liberandum *Prometheum*, Imaginem Dei Verbi in carne tanquam fragile vasculo ad redemptionem humani properantis præ se ferre videtur. Verum non omnem in hoc genere licentiam nobis ipsi interdicimus, ne forte igne Extraneo ad Altare Domini utamur.

XXVII.

ICARUS VOLANS: ITEM SCYLLA, ET
CHARYBDIS, SIVE, VIA MEDIA.

Mediocritas, sive Via Media, in Moralibus laudatissima est; in Intellectualibus minus celebrata, sed non minus utilis, & bona: In Politicis tantam suspecta, & cum judicio adhibenda. Morum autem Mediocritates, per viam *Icaro* præscriptam; Intellectualium autem, per Viam inter *Scyllam* & *Charybdis* oꝝ difficultatem & periculum de cantata, ab Antiquis notantur. *Icaro* præcepit Pater, cùm Mare esset prætervolandum, ut viam aut nimis sublimen, aut nimis humilem caveret. Cùm enim Alæ cerâ essent conglutinatae, periculum erat si altius efferretur, neocera ex Solis ardore liqueficeret; Sin ad vaporem Maris proprius se submitteret, ne ab humore cera minus tenax efficeretur. Ille vero auctu Juvenili in celisiora contendit, atque in præceps lapsus est. Parabola facilis & vulgata est: Virtutis enim via inter Excessum, & Defectum recto tramite aperitur. Neque mirum erat, si *Icarum*, Juvenili Alacritate gestientem, Excessus perdidit. Excessus enim ferè Juvenum: Defectus Semini vita esse solent. Ex Semiti tamen malis: & nocivis, elegit *Icarus*, si plenè pereundum erat) meliorem. Defectus enim recte astimantur Excessibus praviores. Quandoquidem Excessui, nonnihil Magnanimitatis subfit, & cognitionis cum Cœlo, ad instar volucris: Defectus verò humili serpat, instar Reptilis. Praeclarè Heraclitus; *Lumen Siacum*, *Optima Anima*. Nam si ex humo humorem contrahat anima: prorsus deprimitur & degenerat: Interim tamen Modus adhibendus est, ut ab illa Siccitate laudata, Lumen reddatur subtilius, non corripatur incendium. Atque hæc cuivis ferè nota sunt. At via illa in Intellectualibus inter *Scyllam* & *Charybdis*, certè & peritiam navigandi, & felicitatem desiderat. Si enim in *Scyllam* incident Naves, illiduntur cautibus: Sin in *Charybdis*, absorbentur. Cujus Parabolæ ea videtur esse

vis (quam nos breviter perstringemus, tametsi infinitam trahat contemplationem) ut in omni Doctrina & Scientiâ, carumque Regulis & Axiomatibus, Modus teneatur inter Distinctiōnum Scopulos, & universaliū Voragine. Hæc enim duo naufragii ingeniorum, & Artium famosa sunt.

XXVIII.

SPHINX, SIVE SCIENTIA.

Traditur *Sphinx* fuisse Monstrum specie multiforme; facie, & voce virginis; pennis volucris; ungibus *Gryphi*: Jugum autem Montis in agro *Thebano* tenebat, & vias obsidebat: Mos autem ei erat, viatores, ex insidiis invadere, ac comprehendere: quibus in potestatem redactis, Enigmata quædam obscura & perplexa proponebat, quæ à Musis præbita, & accepta putabantur. Ea si solvere, & interpretari, miseri captivi non possebant; hesitantes & confusos in illis, magna sevitia dilaniabant. Hæc calamitas cum diu grassaretur; primum positum est à *Thebanis*, (ipsum *Thebarum* Imperium) viro qui *Sphingis* Enigmata explicare posset, (neque enim alia superanda illius ratio erat) Tanto pretio excitatus *Oedipus* vir acer, & prudens, sed pedibus læsis, & perforatis conditio nem accepit, & experiri statuit. Postquam autem fidens animi & alacer se coram *Sphingis* stiset: Illa ab eo quæsivit, quale tandem illud Animal esset, quod primò quadrupes natum, postea bipes factum esset, deinde tripes, ad extrellum rufius quadrupes. Ille præfenti animo respondit, Illud in Hominem competere, qui sub ipsum partum & infantiam quadrupes provolvitur, & vix repere tentat, nec ita multò post erectus & bipes incedit; in Senectute autem baculo innititur, & se sustentat, ut tanquam tripes videatur! extrema autem atate decrepitus Senex labantibus nervis, quadrupes decumbit, & lecto affigitur. Itaque vero responso victoriæ adeptus *Sphingem* interemittit: Cujus corpus Asello impositum, veluti in Triumpho ducebatur; ipse autem ex pactis Rex *Thebanorum* creatus est. Fabula elegans, nec minus prudens est: atque videtur conicta, de scientiâ, pretermissa conjuncta practicæ. Siquidem Scientia non absurdè Monstrum dici possit, cum ignorantibus & imperitis prorsus admirationi sit. Figura autem & specie multiformis est, ob immensam varietatem subjecti, in qua Scientia versatur: vultus & vox affingitur Muliebris ob gratiam & loquacitatem: Adduntur Alæ, quia Scientiæ & carum Inventa momento discurrent, & volant, cùm Communicatio Scientiæ sit instar Luminis de Lumine, quod affatim incenditur. Elegans simè autem attribuuntur ungues acuti, & adunci; quæ Scientiæ Axiomata, & Argumenta penetrant mentem, eamque præhendunt & tenent, ut movere & elabi non possit: quod & Sanctus Philosophus notavit; *Verba Sapientum* (inquit) sunt tanquam *Aculei*, & veluti *Clavis* in *Altum* defixi. Omnis autem Scientia collata videtur in arduis & editis Montium. Nam res sublimis merito putatur, & excelsa, & ignorantiam tanquam ex superiori loco despiciens,

cians, atque etiam latè & unde quaque speculatur & prospicit, ut in verticibus Montium fieri solet. Vias autem obsidere singitur Scientia, quia ubique in Itinere isto, sive peregrinatione vita humanae, Materia & occasio contemplationis se ingerit, & occurrit. Proponit autem *Sphinx* Quæstionis & Ænigmata mortalibus varia & difficultia, qua accepit à Musis. Ea tamen quādiu apud Musas manent, sævitia fortalsē carent. Donec enim nullus alias Finis Meditationis, & disquisitionis sit, præter ipsum Scire, Intellectus non premitur, nec in Acto ponitur, sed vagatur, & expatiatur; atque in ipsa dubitatione, & varietate, nonnullam jucunditatē & delectationem sentit, sed postquam à Musis hujusmodi Ænigmata ad *Sphingem* transmissa sunt, id est, ad Practicam, ut infret, & urgeat Actio & Elec̄tio, & Decretum: tum demū Ænigmata molesta & sœva esse incipiunt, & nisi solvantur & expediantur, animos hominum iniris modis torquent, & vexant, & in omnes partes distrahunt, & planè lacerant. Proinde in Ænigmatibus *Sphingis* duplex semper proponitur conditio: non solventi meutis laceratio; Solventi Imperium. Qui enim rem callet, in fine suo potitur, atque omnis artifex Operi, suo imperat. Ænigmatum *Sphingis* duo in universum sunt genera: Ænigmata de Naturâ rerum, atque Ænigmata de Naturâ hominis; Atque similiter in Præmium solationis sequuntur duo Imperia; Imperium in Naturam, & Imperium in Homines; Veræ enim Philosophia Naturalis finis proprius & ultimus est, Imperium in Res Naturales, Corpora, Medicinas, Mechanica, alia infinita; licet Schola, oblatis contenta, & Sermonibus tumefacta, Res & opera negligat, & ferè projiciat. Verum Ænigma illud *Oedipo* propositum, ex quo ille Imperium *Thebanum* adeptus est, pertinebat ad naturam Hominis: Quisquis enim naturam Hominis prorsus intropexit, ille faber ferè fortunæ suæ esse potest, & ad imperandum natus est. Id quod de Romanis artibus bene pronunciatum est:

*Tu regere Imperio populos, Romane memento,
Hæc erunt artes.* —

Itaque appositi illud; quod *Augustus Cesar* Signo *Sphingis*, sive de industria, sive fortuito usus est. Ille enim (si quis unquam) in Politica excelluit, & in vita sua curriculo, plurima nova Ænigmata de Naturâ hominis felicissimè solvit, que nisi dexter & paratus solvisset, multoties non procul ab imminentे pernicie & exitio abfuisset. Atque additur in Fabula *Sphingis* devictæ Corpus in Acellum impositum fuisse. Elegansissime certè, cum nihil sit tam acutum, & abstrusum, quin postquam plane intellectum, & deinceps per vulgatum sit, etiam tardo imponi possit. Neque illud prætermittendum: debellatam esse *Sphingem* a viro pedibus clavato: Etenim nimis cito pede, & celeri gradu ad Ænigmata *Sphingis* homines properare solent: unde fit, ut (prævalente *Sphinge*) potius per disputations ingenia & animos lacent, quam per opera & effectus imperent.

XXIX.

PROSERPINA, SIVE SPIRITUS

Narrant *Platonem*, postquam regnum Inferorum ex partitione illa memorabili accipisset, de nuptiis alicujus è superis desperatæ, si eas per colloquia, aut modos suaves tentaret; ut ad Raptum consilia sua dirigere ei fuerit necesse. Itaque captata opportunitate *Proserpinam* *Ceres* filiam, Virginem pulcherrimam, dum flores *Narcissi* in *Sicilia* pratis colligeret, subito incursu rapuit, atque quadrigis secum ad subterranea asportavit; Ei magna reverentia præbita est, ut & Domina Ditis vocata sit. *Ceres* autem ejus mater, cum filia sibi unice dilecta nulquam comparauisset, supra modum moesta & anxia, tandem accensam ipsa manu præ se ferens, universum Orbis terrarum ambitum peragravit, ut filiam investigaret & recuperaret. Id cum frustra fuisset, accepto fortè indicio, quod ad inferos deveyta esset multis lachrymis & lamentationibus *Iovem* fatigavit, ut illa ei restitueretur. Atque tandem pervicit, ut si illa nihil ex iis quæ apud Inferos essent, degustasset, tunc eam abducere liceret. Ea conditio Mattis desiderio adversa fuit *Proserpina* enim grana tria ex malo granato gustasse comperta est. Neque idcirco *Ceres* destitit, quin preces & ploratus de integro resumeret. Postremò itaque ei indulsum est, ut *Proserpina* dispertitis temporibus, & alternis vicibus, sex menses cum Marito, alteris cum Matre esset. Hanc *Proserpinam* postea *Theseus* & *Perrithous* eximia audacia thalamo Ditis deducere tentarunt. Cum autem in itinere super faxo apud Inferos defessi confidissent, eis refurgere minimè licuit, sed aternum sedebant. *Proserpina* itaque Inferorum Regina mansit, in cuius honorem etiam additum est privilegium magnum; Cum enim ab Inferis revocare gradum, illis qui eò descendissent, fas non esset; adscripta est huic legi Exceptio singularis; ut si quis Ramus Aureum in donum *Proserpine* attulisset, ei ob hoc ire & redire liceret. Is ramus unicus erat in ingenti, & opaco luce, neque stirps erat, sed visci instar in aliena arbore frondebat, atque avulso illo alter non deficiebat.

Fabula ad Naturam pertinere videtur, atque vim, & copiam illam in subterraneis, divitem & frugiferam, ex qua hæc nostra pullulant, & in quam rursus solvuntur, & redeunt, perscrutari. Per *Proserpinam* Antiqui significarunt Spiritum illum æthereum qui sub terra (per *Plutonem* representatam) clauditur & detinetur à superiori globo divulsus, quod non male expressit ille:

Sive recens tellus, sed etaque nasper ab alto.

Æthere cognati retinebat semina cœli.

Ille Spiritus raptus à Terra singitur, quia minimè cohibetur, ubi tēpus, & moram habet ad evolandum, sed subita confractio & comminatio tantum, compingitur & figitur, perinde, ac si quis acerum aqua commiscere tentet: Quod nullo modo efficere possit, nisi per agitationem celerem & rapidam: hæc enim ratione videmus illa corpora conjungi cum Spuma, Aëre tanquam rapto ab Aqua. Neque ineleganter additur, *Proserpinam* flores *Narcissi* in vallibus colligentem raptam fuisse: Quia *Narcissus* à torpore sive stu-